



Stranka za Bosnu i Hercegovinu Općinska organizacija Novi Grad Sarajevo
Trg solidarnosti br.15, 71000 Sarajevo, Tel: (+387 33) 498-436, Fax: (+387 33) 498-436

**n/r Premijeru Kantona Sarajevo Nihadu Uku i
resornom Ministarstvu**

**Zastupnik u Skupštini Kantona Sarajevo,
Jasmin Šaljić**

Pokrećem inicijativu prema resornom ministarstvu (Ministarstvo za socijalnu politiku) i Vladi Kantona Sarajevo da se ukine nadopuna Uredbe o načinu ostvarivanja pomoći održivog povratka iz juna 2024.godine, koja omogućava da se na Javni poziv mogu prijaviti i pripadnici Vojske Republike srpske.

Obrazloženje:

Naime, Vlada KS je na 27. sjednici koja je održana 06.06.2024.godine donijela Uredbu o dopuni Uredbe o načinu ostvarivanja pomoći za održivi povratak.

U članu 2. u stavu (1) iza tačke b) dodaje se nova tačka c) koja glasi: „ Lica koja su se iz Republike srpske, Federacije Bosne i Hercegovine i Brčko Distrikt Bosne i Hercegovine, dobrovoljno vratila u Kanton Sarajevo i prijavila prebivalište, a koja su imala status raseljenog lica prije povratka u Kanton Sarajevo i prijeratno prebivalište u Kantonu Sarajevo". Ako pažljivo analizirate ovu nadopunu Uredbe kao što ju je analizirala Koordinacija boračkih udruženja Kantona Sarajevo jasno je da pripadnici Vojske Republike srpske koji su poslušali tadašnje političko rukovodstvo, odnosno Karadžića i Krajišnika 1996. godine i napustili KS sa mjesta kao što su Biosko, Hreša, Butile, Paljevo i Mrkovići, a koji su se vratili na svoju imovinu, sada mogu da apliciraju na Javni poziv za obnovu svojih stambenih jedinica i plus da im budu dodjeljena novčana sredstva u iznosu od 10.000 KM u kešu.

Ovom sramnom Uredbom Vlade Kantona Sarajevo, građani Kantona Sarajevo, porezni obaveznici će obnoviti kuće onima koji su palili njihove kuće, fabrike i stambene zgrade, te onima koji su držali pod opsadom Sarajevo skoro četiri godine bez plina, struje, vode, grijanja i osnovnih životnih namirnica, dok u isto vrijeme na rubnim dijelovima grada našim građanima i pripadnicima Armije Republike Bosne i Hercegovine i dalje stoje razrušene fasade, uništena stolarija i krovovi koji čekaju na obnovu.


Podnosilac inicijative
Jasmin Šaljić